

Arkiv:
JournalpostID: 19/451
Saksbehandlar: Ørjan Raknes
Forthun
Dato: 11.11.2019

Saksframlegg

Saksnr.	Utvalg	Møtedato
003/19	Alver formannskap	21.11.2019
031/19	Alver kommunestyre	28.11.2019

Endring i Nordhordland og Gulen Interkommunale Renovasjonsselskap, NGIR, sin selskapsavtale

Vedlegg i saken:

11.11.2019	Brev til NGIR sine eigarkommunar - Endring i NGIR sin selskapsavtale	1325983
11.11.2019	Framlegg til endringar med kommentarar, selskapsavtalen for NGIR	1325984
11.11.2019	Framlegg til revidert selskapsavtale NGIR 2019	1325985
11.11.2019	Gjeldande selskapsavtale NGIR - Revidert 2018	1325986

Rådmannen sitt framlegg til vedtak:

«Alver kommunestyre gjer vedtak om å revidere selskapsavtalen for NGIR i tråd med tilrådingane frå representantskapet, og i samsvar med vedtak i dei øvrige eigarkommunane.
Revidert selskapsavtale skal gjelde frå 01.01.2020.»

Bakgrunn

Sidan Alver kommune blir etablert frå 1. januar 2020, er det nødvendig å endre enkelte formuleringar i selskapsavtalen for NGIR. Representantskapet ønskjer samstundes å gjere nokre endringar som følgjer av endra lovverk og/eller endra praksis.

Representantskapet gjorde følgjande vedtak i møte 29.10.2018:

”Kommunane Austrheim, Fedje, Gulen, Masfjorden, Modalen og Solund vert bedne om å handsama saka våren 2019, og å gjera vedtak om at revidert selskapsavtale for NGIR skal gjelda frå 01.01.2020, under føresetnad av at alle eigarkommunane gjer likelydande vedtak. Kommunane Lindås, Meland og Radøy vert bedne om å førebu saka for handsaming i kommunestyret i nye Alver kommune i nov./des. 2019, med vedtak om at revidert selskapsavtale for NGIR skal gjelda frå 01.01.2020, under føresetnad av at alle eigarkommunane gjer likelydande vedtak.”

I § 33 i selskapsavtalen går det fram kva for paragrafar representantskapet kan endra med 2/3

fleirtal, og kva for paragrafar som krev endring i kvart kommunestyre i eigarkommunane.

Kommunestyret må gjere endringar i:

- §§ 1 – 6
- §§ 8, 13, 28, 31, 32 og 33

Nærare om dei enkelte paragrafane:

§§ 1 – 6 gjeld i hovudsak etableringa av Alver kommune. I § 3 er det endra lovverk og praksis som er grunngevinga, knytt til drift.

§ 8 gjeld endra tal på medlemene i representantskapet. I dag har Lindås 3, Meland 2 og Radøy 2 medlemer. Dette blir vidareført ved at Alver får 7 medlemer.

§ 13 gjeld endra lovverk, utvida kriterie for val styremedlemer m.o.t. samla kompetanse og endra vertskommunenamn til Alver.

§ 24 gjeld endring av beløpet NGIR kan låne, frå 40 mill kr (fastsett i 1999) til 80 mill kr. Paragrafen er elles endra i høve til lovverket. § 24 kan i utgangspunktet endrast gjennom 2/3 fleirtal i representantskapet.

§ 33 gjeld endra lovverk.

Dei andre paragrafane som krev kommunestyrevedtak er ikkje foreslått endra.

Vurdering

Utover lovendringar og språkvask, handlar endringane i denne omgang om å overføre dei tre kommunane Lindås, Meland og Radøy direkte til Alver, utan endra høvestal m.v. Eksempelvis er talet for medlemer i representantskapet for Alver sin del summen av dei tre kommunane i dag.

I den nye organisasjonen, gjeldande frå 01.01.2020, har Alver om lag 77 % av folketalet og 7 representantar, medan dei andre kommunane har 23 % av folketalet og 12 representantar til saman. Dette høvestalet bør takast opp att seinare. Dei andre kommunane er kjent med at det vil kome innspel om dette. Denne saka gjeld først og fremst oppdatering av selskapsavtalen slik at den blir gyldig frå nyttår.

Programansvarleg vurderer at dei foreslåtte endringane i selskapsavtalen no er hensiktsmessig for å kome i mål med prosessen rundt kommunesamanslåinga.

Programansvarleg har elles ingen merknader til at maksimumsgrensa for låneopptak blir heva frå 40 mill til 80 mill kr.

I skriv frå NGIR datert 19.09.2019 går det fram at Austrheim, Fedje, Gulen, Masfjorden, Modalen og Solund kommunar alle har gjort vedtak om endring av NGIR sin selskapsavtale frå 01.01.2020, i tråd med ønskje frå representantskapet.

Konklusjon

Programansvarleg rår til at Alver kommunestyre gjer vedtak om å revidere selskapsavtalen for NGIR i tråd med tilrådingane får representantskapet, og i samsvar med vedtak i dei øvrige eigarkommunane. Revidert selskapsavtale skal gjelde frå 01.01.2020.

Alver formannskap 21.11.2019:

Behandling:

Rådmannen sitt framlegg vart samrøystes vedteke.

Framlegg SP/AP/KRF/H:

Alver kommunestyre legg til at høvestalet tas opp innan utgangen av 2020.

Framlegget vart samrøystes vedteke.

FO- 003/19 Vedtak:

«Alver kommunestyre gjer vedtak om å revidere selskapsavtalen for NGIR i tråd med tilrådingane frå representantskapet, og i samsvar med vedtak i dei øvrige eigarkommunane. Revidert selskapsavtale skal gjelde frå 01.01.2020.»

Alver kommunestyre legg til at høvestal tas opp innan utgangen av 2020.

Alver kommunestyre 28.11.2019:

Behandling:

Innstillinga frå formannskapet vart samrøystes vedteke.

KO- 031/19 Vedtak:

«Alver kommunestyre gjer vedtak om å revidere selskapsavtalen for NGIR i tråd med tilrådingane frå representantskapet, og i samsvar med vedtak i dei øvrige eigarkommunane. Revidert selskapsavtale skal gjelde frå 01.01.2020.»

Alver kommunestyre legg til at høvestalet tas opp innan utgangen av 2020.